



AKTUELNOSTI

Novi Glavni tužilac Tužilaštva Brčko distrikta Bosne i Hercegovine stupio na dužnost

(Brčko, 21.09.2026. godine)

Tužilaštvo Brčko distrikta Bosne i Hercegovine od danas, 21. septembra 2026. godine, ima novog glavnog tužioca. Na ovu odgovornu dužnost stupio je tužilac Ćazim Serhatlić, kojeg je Visoko sudsko i tužilačko vijeće Bosne i Hercegovine imenovalo za glavnog tužioca Tužilaštva Brčko distrikta BiH u maju 2026. godine.

Tužilac Ćazim Serhatlić u Brčko dolazi sa značajnim tužilačkim iskustvom, obzirom da je prije posljednjeg imenovanja radio duži niz godina kao tužilac Kantonalnog tužilaštva Tuzlanskog kantona, gdje je obavljao i dužnost šefa Odjela za opći kriminal.

Stupanjem na dužnost Tužilaštvo Brčko distrikta ponovo dobija glavnog tužioca u punom mandatu, nakon perioda privremenog rukovođenja ovom pravosudnom institucijom, te ovom prilikom zahvaljujemo se dosadašnjim vršiocima dužnosti glavnog tužioca gospodinu Radmilu Ivanoviću i zamjeniku glavnog tužioca Vladimiru Tepavčeviću na predanom radu i rukovođenju institucijom u prethodnom izazovnom periodu.

Glavnom tužiocu Ćazimu Serhatliću želimo srdačnu dobrodošlicu u Brčko distrikt BiH i uspješan rad na novoj dužnosti.

Web i FB uredništvo

